

տանն ու արդարութիւնը, անպատիժ պիտի չի մնայ, այլ պիտի ինկնայ Աստուծոյ ձեռքը՝ որ վրէժխնդիր է արդարութեան ընդդէմ անիրաւութեան:

Եւ ոչ պայափ միայն. ամեն կրօնք ըստ իր հաւատոցը կը սորվեցնէ գեղեցիկ միջոցներ առ ի ձեռն տալ մարդոյ ջանիցը, որպէս զի կարենայ դիւրութեամբ կատարել իր պարտքերը: Իւրաքանչիւր կրօնք ներքին մարդը բարւոյնելու և ուղղելու միջոցներ ունի, որք ի մեզ կոչին շնորհք և խորհուրդք: Հօս չեմք ուզեր այս միջոցաց ներքին զօրութեան ու ճշմարտութեան վրայ խօսիլ. միայն այս բանք որ ընդհանուր համազումը կը ցուցնէ պարզապէս մարդկային միջոցաց անբաւականութիւնն և տկարութիւնը, և թէ յայտնի ու ապացուցեալ է ի փորձոյ՝ որ մարդիկ իրենց պարտքը կատարելու համար հարկ է որ սիրեն զբարին, զճշմարիտն և զարդարը, ճանչնալով որ անզոր անբաւական է պատժոյ երկիւղն, և ուրիշ օգուտ չունի՝ բայց եթէ ի կեղծաւորութիւն վարժեւ զմարդկութիւն:

Կը փափաքեմք որ այս արեւու պէս լուսաւոր վարդապետութեան ու ճշմարտութեան ամենայն դը համոզուի, մանաւանդ անոնք որ կրօնականն ի բաց թողլով՝ քաղաքական ու մարդկային կրթութեան մեծ զօրութիւն կ'ընծայեն: Չեմք ուզեր միշտ և սխալ կրօնք. և կ'ըսեմք որ ամեն սխալանաց մէջ՝ որոց մէջ մարթ ի անկանել մարդոյ, ծանրն և ամենապատանգաւորն է հաստատելն թէ աւելորդ են կրօնք, կամ թէ մարդկային ընկերութիւնն այն ատեն կը հասնի ճշմարիտ քաղաքականութեան՝ երբ կործանին կրօնք: Վերջ տանք մեր խօսիցն ըսելով՝ թէ զմարդ ի հնազանդութիւն օրինաց ածելու համար և ի կատարումն պարտուց իւրոց, պէտք է տալաւորել ի սիրտ նորա զէր բարոյ և արդարութեան. և թէ երկիւղն՝ զոր դատաստանարանք կրնան ազդել մարդոյ վրայ, ոչինչ կամ ամենաքիչ օգուտ ունի. իսկ բարոյ սէրը կրօնքն միայն կրնայ ազդել ի մեզ:

ԲՈԹԵՆ ՏԻՆՆՈՋ

ԱՔՍՈՐԱԿԱՆԱՅՆ Ի ՍԻՊԵՐԻԱ

ՎԵՊԻ 1

Յայնժամ սկսան շարականք հանդես տնան, և եղաւ դիակնն ի դազադս. և ի բրե տանէին զնա, կամեցաւ Նիխաբեթ թէպէտե տկար և դողդոջուն և վհատեալ՝ զնալ զհետ մինչև ի յետին օթեան նորին, որ օգնական, պաշտպան և քաջաբեր լեալ էր իւր, և վստն իւր աղօթելով աւանդեալ զողին: Յաջակողման եղեր փամայ, ի ստորոտ բլրոյն՝ յորոյ վրայ ամբառնան աւերակք դղեկին կառուցելոյ յաւուրս պատեւրագմանց Պատրիարանց, են գերեզմանք Սարաբուլ քաղաքի: Վայրս այս է ի դաշտի մեծի ցանկապատ, ունելով ի միջիփայտակիրտ աղօթարան, և շուրջանակն հօղակոյտը բերելով ի գազաթիւնս իւրեանց զնան խաչին ի ցոյց դամբանաց: Աստանդ եղեկինք արկաննն ստուերս եղերականս, ի ի ներքուստ վիմաց դամբանականաց բունակ կանկաւք վայրեկիք լայնատարած և բազմահերձ տերեւովք, և միւս այլ բոյս՝ որոյ ցօղուն մերկ և յերկիր հակամէտ՝ ի ծիւս յօգունս նրբինս ծաւալի զգերեզմանսք, ծաղկունք նորա զեղեւաշորթ գողցես առ ի փթթել զշիրմօք հաստեալք:

Յուդարկաւորք ոչ սակաւք զհետ դադաղացն գնային յայլ և այլ ազգաց, ի Պարսկաց, ի Թրքաց և յԱրաբացոց, փախուցեալք ի գերութենէ Գիրիկեանց և ընկալեալք ի բնակարանս՝ կառուցեայս ի վերջին զշխոյէ: Գնային նորա խառնիխուռն, ջահ յարեղէնն ի ձեռնին, զհետ զառաջաւորաց եղերական հանդիսին, կցորդելով ձայնի երիցանայն. իսկ Նիխաբեթ լուռ և եթ գնայր յամբարայլ և քօղարկեալ, ի բազմամարտիս անդ ոչ ունելով օղբեր ընդ ումք, բայց ընդ այնմ՝ որ ոչ ևս էր: Յիջուցանել զդիակնն ի փոս անդր, եղ երեցն ըստ արարողութեան Յունաց դրամ մի փռքիկ յալ յախճանայն ի սակ անցի. և արկեալ ի նա ափով հող, ի բաց եկաց: Եւ Թաղեցաւ անդ ի յաւերժ մոռացոնս այնն ողորմած, որոյ չէր անցուցեալ օր մի առանց բարեբարեւոյ ու մեք. հանգոյն բառեղունչ հողմոց, որ ամենայն ուրեք ամեն սերմանս պիտանիս՝ բուսուցանել յամեն

նայն նաճանգս: Դրջեալ էր նա ընդ կէս աշխարհի՝ սերմանելով ամենայն ուրեք իմաստութիւն և ճշմարտութիւն, և միտանէր անձանթ աշխարհի. այսպիսի անկրօնորդ է համբաւ ընդ խոնարհումը լաւութեան: Այսպէս մարդիկ, որք բարեխնն զհամբաւ, շնորհն զայն այնմ՝ որ զարմացուցանէ զնոսա, այնմ՝ որ կործանէ զնոսա, և ոչ այնմ՝ որ մխիթարէ զնոսա: Ըստապայթ գեղանշույ, լոյս ակնաբանող, պերճապայծառ փառք մարդկային, մի կարծեր թէ ներէր քեզ Աստուած լինել վարձք մեծութեան, եթէ չպաճէր զիւր փառս 'ի վարձ առաքինութեան:

Իկաց ճիւղս Ելիսաբեթ 'ի տխուր վայրի անդ մինչև ցերեկոյ, ելաց անդ, աղօթեաց բազումս. և ողբէ իւր և աղօթք սիրփեցին զնա: Բաղէտս ծանուն բարի է և օգտակար խորհել ձեզ և յերկար ընդ երկին և ընդ մահ: զի 'ի չիրմէ ելանեն խորհուրդք քաջաւիրութեան, և յերկնից իյնան յոյս սիրփանաց. նուազէ ահարկութիւն աղետից՝ ուր երեւի կատարած նոցա. և ուր նշմարի վարձ նոցին՝ գոգցես լինին սիրելի: Ելիսաբեթ լայր անարտունջ. գոճանայր զԱստուծոյ վասն բարեբարութեանցն՝ զոր եցոյց ցայնժամ՝ յուղեկորութեան իւրում, և ոչ իրաւունց համարէր տրտնջալ վասն ոչ ևս յայնժամ ցուցանելոյ նորա: Էր ինքն զբեթէ յեղերս Թոպոլ գետոյ անառաջ նորդ անօգնական, այլ զինեալ նովին աբութեամբ, նովին խորհրդով վառեալ, և ասէր. Հայր իմ, մայր իմ, մի երկնիչիք, դուստր ձեռ ոչ լքանի: Այսու օրինակաւ թուէր նմա քաջալերել զծնօղս իւր, որպէս թէ մարթ էր նոցա գուշակել զմեալ իւր անտէրունչ. և իբրև աշ զսիրտ իւր պատէր, կրկնէր ինքն և երեքնէր. Հայր իմ, մայր իմ, ծնողք իմ. անուանքս այսոքիկ փարատէին զերկիւղ նորա: Եւ գեւալ զճակատ իւր 'ի քրքիր հոգ զերեզմանին, ասէր. Որ եսդ արդ յերանութեան, պարտէր ինչ կորուսանել ինձ զքեզ, մինչև և առնուակնի հօր իմոյ և բարեգութ՝ մօր գոհացեալ զքէն վասն խնամոցդ՝ զոր արկեր որոյոյ հիբի. պարտ էր քեզ զրկել 'ի բերկրութենէ ընդունելոյ զօրհանութիւնս նոցա:

Ի մերձեալ գիշերոյ՝ ստիպեալ Ելիսաբեթի մեկնել 'ի տխուր վայրէն, հառ ցայլախաղ մի հատու, և առ յիշատակէ անցից իւրոց քանդակեաց 'ի վերայ խաչին, որ զգերեզմանաւ հանգուցելոյն կանգնեալ կայր, զբան մարդարէին. « Արդարեւ բարձաւ, և ոչ որ խորհի զմանէ. » (Խս. ԾԵ. 1): Եւ ապա տուեալ զվերջին ողջոյն իւր հրաժարական՝ ել 'ի գերեզմանատեղւոյն,

և դարձաւ տրտմութեամբ 'ի սենեակն աւայի 'ի պանդոկին: Ի վաղիւ անդր յանկանել իւրում յուղի՝ ետ նմա պանդոկապետն երիտ առաւելս, ասելով այնչափ ինչ յաւելեալ 'ի ծախուց՝ 'ի քսակ ծերոյն: Ընկալաւ զայն Ելիսաբեթ շնորհակայեօք, փղձկեալ 'ի սրտէ՝ որպէս շնորհապարտ պաշտպանին իւրում վասն դրամոցն, զորս համարէր իբր 'ի յերկնից յղեալ, և ասէ. Ո՛վ առաջնորդ իմ և պաշտպան, սէր քո յերկարականաց քան զքեզ՝ օգնէ ինձ, յորժամ ոչ ևս ես դու ընդ իս:

Բայց մենաւոր ընդ ուղին ոչ դադարէր յարտասուաց. ամենայն ինչ նորոգէր զվիշտ նորա, ամենայն ինչ տայր նմա զգալ զկարեւորութիւն բարեոյն՝ զոր կորոյս: Եթէ 'ի շինականաց որ կամ յուղեկորաց հոյեցեալ 'ի հա հետաքրքիր հարցանէր ինչ, չէր առ նմա պաշտպան իւր պատեականել՝ որ սուստէր ակն ածէ. եթէ վաստակեալ ուրեք նստէր, և սայլ ինչ ունայն ընդ այն անցանէր, չիլիւէր սալ նմա զկայ առնուլ թէ զուցէ մեթոմն կամ նախատինս ինչ կրեսցէ: Եւ զարձեալ ջուներով ինչ աւելի քան զերիս առաւելս, լծայր յամբողջացանել զհարկ խնդրելոյ ողորմութիւն, և զրկէր զանձն 'ի հանգստենէ և 'ի սիրփանաց՝ զոր հայթայթէր նմա ծերունին յաճախ. վասն որոյ և յաղթատին օթեկանս միշտ պատրսպարէր, յառացեալ ընդ անհարթ անկուղինս և ընդ յոռեգոյն պարէնս: Այսու օրինակաւ յամր ուղեկորեալ, հազիւ 'ի սկիզբն հիկտեմբերի կարաց հասանել 'ի Քառզան:

Ի բազում աւուրց հետէ չնչէր հոգմն հիւսիսոյ, և սառամանիք դիզացեալ յեզերս Վոլկայ՝ արգելուին զգետն. չէր մարթ անցանել ընդ այն, բայց ըստ մասին ինչ հետի՝ ընդոստ ընդ հատուածս սառին գնալով, և ըստ մասին նաւակաւ: Նաւաստիք իսկ սովորեալք 'ի վտանգս նաւարկելոյ ընդ այն, չիլիւէին անցանել յայնկոյս առանց մեծի ինչ շահու: Ե ոչ որ յուղեկորաց արկանէր զանձն 'ի վտանգէ: Ելիսաբեթ միայն առանց խորհելոյ 'ի վտանգն՝ կամէր 'ի մի 'ի նաւաց անտի ելանել. այլ նաւա վարձ մեծեցին զնա բացէ 'ի բաց իբր խօթամիտ, և երոշուին չթողուլ նմա սացանել ընդ գետն, չև բորոքովին պաղեալ: Եւ հարց թէ քանի ժամանակ պարտ էր նմա սպասել. և նորա ասէն. Ոչինչ նուազ քան զերկուս եօթնեակս: Բայնժամ եդ 'ի միտ անցանել ընդ գետն անչապաղ, և ուր ջնուսա աղերսանօք. ինդրեմ 'ի ձէնջ, վասն Աստուծոյ օգնեցէր ինձ անցանել ընդ գետդ. գամ ես յայնմ կուսէ Խոպոլսքեայ

գնալ 'ի Պետրոպոլիս՝ խնդրել յինքնակալէն չորհուսի վաճառել հօր իմոյ, որ յարքարս կայ 'ի Միպերիա. և արծաթ այնչափ ինչ է առ իս, զի եթէ եղէց աստ զաւուրս Հնգետասան՝ չմնայ ինչ ինձ առ 'ի կարող լինելոյ յառաջ ևս գնալ: Ի քանից աստի գորով վեպ մի 'ի նորանէ, կայաւ զձեռանէ նորա և ասէ. Ե՛կ, փորձեցայց ածել զքեզ. գուստր բարի թուիս, երկիւղած յԱստուծոյ և ծնողասէր. օգնեսցեն քեզ երկինք: Եւ մուծեալ զնա 'ի նաւ իւր, էած զնա մինչ և 'ի մէջ գետոյն. ուստի և անդր չկարելով նաւել, 'ի թիկնամէջս իւր ընկալաւ զնա, և յեջ 'ի մի 'ի թիոց՝ գնալով ընդ սառամանիս, եհաս անվտանգ յայնկոյս Վոլկայ, եդ զքեռն իւր յերկիր: Ելիսաբեթ շնորհակալեալ նմա 'ի բոլոր սրտէ գոհութեամբ, կամէր ընծիռել ինչ նմա. այլ 'ի բանալ նորա զբասկն՝ տեսեալ նաւավարին զի և ոչ ուսուլիք երբէ էին 'ի նմա, ասէ. Հէք դատրիկ, այդ են ամենայն գանձք քո, և զովմա համարիս հասանել 'ի Պետրոպոլիս. Նիկոլայոս Քիտղոֆ ոչ ընկալցի 'ի քէն և դանկ մի, բաւ լիցի. կամի՞մ մահաւանդ յաւելուլ ինչ 'ի դոյն, և լիցի ինձ բարի և որդեաց իմոց վեցեցունց: Եւ էարկ 'ի նա գրամիկ մի, և 'ի բայ գնաց՝ ձայնելով. Տէր պահեացէ զքեզ դատրիկ: Ելիսաբեթի առեալ զգրամիկն, և հայեցեալ ընդ այն գորովագին, ասէ. Պահեցիք զսա հօր իրում, որովս զի տեսցէ զի աղօղք իւր լսելի եղեն, և ընդ իս է ինքն հոգւով, և ամենայն ուրեք հոգէ 'ի վերայ իմ պաշտպանութիւն իւր հայրենի:

Պայծառ էր տուն և արեգջեր, այլ չընէր հողմ 'ի հիւսիսոյ ցրտասառոյց: Ելիսաբեթի ժամն չորս անդադար ընթացեալ, գտանէր վաստակեալ յոյժ. և չգտեալ ուրեք օթեան, ասպատանեցաւ առ ոտամբ բլրակի միոյ՝ զոր պատսպարէին 'ի հողմոց ծայրք թխտապէք սեպականաբ: Մերձ 'ի վայր անդր տարածանէր անտառ կաղնեաց, զի անդ նախ յեղիրս Վոլկայ սկսանին երեւել կաղնիք. վասն որոյ անձանթք էին օրիորդին, և թէպէտ կապաղաւ ըստ մասին 'ի վարսից, սակայն զարմանալիք էին նմա տակաւին, այլ ոչ և սիրելիք. զի զգալոցանէին նմա հանդերձ գեղեցկութեամբն զհեռաւորութիւն իւր 'ի ծնողաց իւրոց ծառք եւրոպականք. սիրելի ևս էր նմա եղևին, բնակակից աքսորականաց, ընդ որոյ հովանեաւ հանգչէին ծնողք իւր: Չայտոսիկ գմտաւ ամենա՝ արտասուէր նա և ասէր. Ո՛հ, երբ իցէ ինձ տեսանել զնոսա վերստին. երբ զարբարառ նոցա լսել, երբ զառնալ անդրէն անկանել 'ի զիրկս նոցա:

Եւ յասելն զայս՝ կայր բաղկատարած 'ի քաղաքն կոյս 'ի Քազան, զորոյ նշմարէր տակաւին զաշտարակս 'ի բացէ, և զդղնակն վաղեմի զիշխանացն Սկիւթացւոց, որ 'ի վերոյ քաղաքին ամրառնայր 'ի ժայռս գոգցես իմն նկարէն տեսիլ անարկուս:

Որ ինչ և ընդ առաջ լինէր օրիորդին զճանապարհայն՝ աղղէր 'ի սիրտ նորա տիրութիւն, հանգոյն իմն այնմ՝ զոր աղղէին նմա աղէտք իւր: Եւ զի հանդիպէր յանցաւորաց ողորմելեաց արկելոց զոյգ զոյգ՝ 'ի չլթայս. յորոց կէսք գնային դատապարտեալ 'ի մետաղս Ներչինսեցեայ վաստակել ցմահ. այլք 'ի գալստ իրբոցքեայ՝ բնակել յամայի եղբոր Սկիւթայ գետոյ. և էր զի պատահէր բազմութեան գաղթականաց, որք 'ի հրամանէ ինքնակալին գնային առնել մարդաբնակ զնոր դատակերտն յես սահմանաց շենաստանի. կէսք հետի գնային, այլք չեղջկուտեալ 'ի սպառ ընդ արկեղս, որք բեռնա, ընդ չընեարն և ընդ հաւկներս, 'ի սոսա ամենտին գթայր Ելիսաբեթ, թէպէտ և արտրէին վասն յանցանաց՝ որ այլուր թերեւ ունակապարտ լինէին: Իսկ 'ի պատահել մամից յարարութեաց, սուրհանդակաւ առեռ. նին վտարանդի վարելոց, որ ազնուական կերպարանօքն յիշեցուցանէր զհայր իւր, յուզեցան գութք նորա մինչև ցարտասուս. մատեաւ պատկառանք առ Հէրն, սիրովէր զնա ըստ կարի իւրում. և օգնէր նմա, ոչ արծաթով՝ զոր չունէրն, այլ այնուի՞ք որ բաղում անգամ առաւել սկոյիէ, և զոր կարին իսկ չբաւոր կարէ տալ հաւասար ձօրից, ասեմ իսկ զգթութիւն: Ելիսաբեթի այն միայն էին գանձք, նովաւ սիրովէր զոտառապեալս՝ որոց հանդիպէրն զճանապարհայն, և օգնականութեամբ ևեթ նորին ուղևորէր այնուհետև: Զի 'ի հասանել իւրում՝ 'ի Վլատկոմիր քաղաք, չէր մնացեալ առ նմա անելիք քան զգուլիլ մի. 'ի Սարաբուլ քաղաքէ մինչև անդր՝ անցեալ էին ամիսք իբր երեք, և գթութեամբ յինականաց՝ որ ձրի տան զկաթն և զհաց՝ չէ էր սպառուցաւ աղբատին գանձ նորա, այլ սկսանէր անդ պակասել 'ի սպառս: Կօչիկք նորա Հերձոտեալ էին, ձորձք քրճքրճեալք ոչ ևս պատսպարէին զնա 'ի ցրտոյ՝ որ խոնարհեալ իսկ էր քան զերեսուն աստիճան 'ի վայր, և օրքստօրէ զայրանայր: Զիւնախաղաղ ծածկեալ էր երկիր երկոտնաչափ 'ի թանձրութիւն. էր զի պաղեալ ընդ օդս ձիւն՝ թուէր անձրեւ պաղլորակ, և խառնէր զերկին ընդ երկիր. և էր զարձեալ զի հեղեղք ջուրց վիհս բանալին առաջի նորա, կամ մրրիկք հողմոց

այնպէս բուռն չնշեին, զի առ 'ի խոյս տալ 'ի հարուածոյ նոցին՝ հարկ լինէր օրիորդին փոս 'ի ձեան անդ գործել, և պատասպարել անդ՝ ամեայ զգլխով զկեղեկանս եղևնեաց, զորս կորդէր ամողակի՝ ուսեալ 'ի բնակչաց Սիսերիոյ:

Ի միում առուրց հոգմ ուռուցիկ յարուցանէր զձինս ընդ օդս, և գործէր մառախուղ այնպիսի թանձր և խաւարային, զի 'ի քայլափոխս իւրաքանչիւր զեղեկեալ օրիորդին, և ոչ կարելով նշմարել զուղին՝ հարկեցաւ զկայ առնուլ ընդ ծայրիս ուրեք մեծաւ, հաստ զթիկունս արարեալ յայն՝ զդէմ ունել մըրկին, որ զամենայն ինչ տապալէր շուրջանակին: Եւ մինչդեռ կայր անդ անշարժ գլխակոր, թուր իմա լսել 'ի մօտոյ ձայն ինչ աղօտ, և յոյս առեալ գտանելոյ ապաւէն, յայն կողմն յառաջնաց զնալով 'ի սող, և տեսանէ սայլ մի կործանեալ և խորտակեալ, և սող ինչ անտի 'ի բացէ հիւղ մի: Մատուցեալ անդր, բախեաց զգուռնն ասպնջական. եկն եբաց կին մի պառաւ, և զթացեալ 'ի վշտագին օրիորդն, ասէ. Հէք դստրիկ, ուստի՞ գաս միայնակ յայզմ՝ հասակի՞ ջըրտասառոյց ծածկեալ 'ի ձեանց: Պատասխանի ետ օրիորդն, որպէս սովոր էր. Գամ՝ յայնմ կուէ՞ թողալքեայ, զնալ 'ի Պետուպոլիս, խնդրել շնորհս հօր իմում յինքնակալէն: Բայն բան՝ այր ոմն որ անդ բազմեալ կայր յափկիցս խոնարհեալ, 'ի վեր էաւ զգլուխ իւր, հայեցաւ հիացմամբ օրիորդն, և ասէ. Զի՞ տես. դու՞ 'ի Սիսերիոյ եկեալ այսր յայդ ասիս, յայդ աղէտս, 'ի բուքս ձմերայնոյ, խնդրել շնորհս հօր քում: Ո՛հ, թերեւ և դստրիկ իմ հէք առնէր ինձ զդոյն. այլ խայցին զնա 'ի գըրկաց իմոց, և ոչ գիտաց ուր զիս ամէին, և չկարէ օգնել ինձ. ոչ ես լիցի ինձ տեսանել զնա, և մեռայց այսպէս. չէ և չէ իսկ մարթ հեռի յորդույ կեալ: Զգողանի հարաւ Նիխաբեթ, և կարեալ զբանս նորա՝ ասէ սրտառուչ. Տէր իմ, թուի ինձ զի մարթ իցէ կեալ առ ժամանակ մի հեռի յորդույ: Եւ յառաջ ամեայ արքորականին զբանն, ասէ. Եւ քանզի գիտեմ՝ արդ զվայր արքորանաց իմոց, մարթ է ինձ գեւուցանել զայն դստր իմում: Գրեցի իսկ առ նա, և սուրհանդակին, որոյ է տապալեալս սայլ, և դառնայ ինքն 'ի Ռիկա՝ ուր է դուստր իմ, յանձն առնոյր ամեայ զգիր իմ, եթէ ունէի դոյզն ինչ առ 'ի տալ նմա վարձ. այլ չիք իմ և ոչ դանկ մի, զամեանայն բարձին յինէն անողորմ: Բայնժամ օրիորդին հանեալ զուսպին յաւելեալ 'ի քսակէ հանգուցելոյն, մատոյց զայն նմա

ամաչելով՝ զի չունէր աւելի ինչ տալ, և բեկրեկելով ձայնիւ ասէ. Բաւեացէ՛ ինչ այս, իսկ նորա սեղմեալ զաջն՝ որ մատուցանէր գոյի չափ զկեանս իւր, ընթացաւ տալ սուրհանդակին զուռնայն սյուրոյն. և սուրհանդակն գոհ եղև ընդ այն. զի Աստուծոյ զնուէնն զայն օրհնեալ, երևեցոյց նմա որպէս և էրն իսկ մեծ և առատապարգև, առ 'ի դարձուցանել զդուստր առ հայր, երանաւետել զազգաստո՜ւմ մի, և պողաբերել արգիւնս արժանաւորս սրտին՝ որ նուիրեացն զայն:

Ի ցածնուլ մըրկին՝ կամելով Նիխաբեթի գնալ զճանապարհ իւր, գիրիս էարկ պառաւոյն՝ որոյ խնամարկեալ էր նմա որպէս դստեր. և ասէ ցնա՝ 'ի մրմուռն անխիղի արքորականին. Զուռնիմ ինչ հատուցանել քեզ, բայց զօրհնութիւնս ծնողաց իմոց. այսոքիկ են իմ արդ ամենայն գոյք: Իսկ պառաւն ասէ բարձրամայն. Եւ դիմչ, ետտէր ուրեմն դմա որ ինչ էրն քո, հէք դստրիկ: Եւ իբրև օրիորդն յամօթոյ դաչս 'ի վայր անկեալ կայր, անկաւ արքորական 'ի ծունկս առաջի նորա, և զձեռս 'ի վեր ամբարձեալ, ասէ. Հրեշտակի՞ որ ետուր ինձ զամենայն ինչ զքո, զիմչ առնել իցէ ինձ վասն քո: Եւ այր անդ կտրոց մի 'ի վերայ սեղանոյն, էաւ զայն Նիխաբեթ, և հատեալ զիսակ 'ի վարսիցն՝ ետ նմա զայն, և ասէ. Վանդի՛ 'ի Սիսերիա գնաս, տէր իմ, 'ի տեսանել քո անդ զբաղաւարտն թողալքեայ՝ աղաչեմ տալ նմա զայս, և ասել. Զոր Նիխաբեթ առ ծնողս իւր առաքէ, հաճեսցի յղել առ նոսա, զի գիտացն թէ տակաւին դուստր իւրեանց կենդանի է: Նա երդուաւ առնել ըստ բանի օրիորդին, և յաւել. Ո՛հ, եթէ յանապատս անդ արքորանաց իմոց լիցի ինձ չափ ինչ ազատութիւն, գիտացից գտանել զծնողս քո, և պատմել զոցա որ ինչ դու արարեր ինձ այսօր: Մեծ էր սրտին Նիխաբեթի քան զպարգև ուրջունական զաշու յոյս սիրտանացն, զոր խոստանայր այրն մատուցանել ծնողաց իւրոց, Զի նորա ոչ եւս ինչ բաց 'ի փղորիկ Գմարոյն, զոր 'ի նաւաստոյն վտկայ ընկալեալն էր. սակայն կարէր և համարել զանձն մեծատուն, զի ժառանգէր զճնարիտն մեծութիւն՝ զոր չկարեն զանձք եւեթ տալ. պարգևաւն զոր ետ՝ ուրախացոյց նա զտառաւալայն հայր, և զդստերն որբացելոյ եհատ զարտասուս: Այն որ ինչ պողաբերել կարող է միակ առաւել 'ի ձեռս ողորմամբ:

Ի վլատիմիր քաղաքէ մինչ 'ի Փոքրով գիւղ արբունի՝ երկիրն զնստադոյն ճախ՝ ճախուտ է և անտառախիտ յազգի ազգի

ծառոց վայրենեաց, որք թէպէտեւ հաճոյ աշայց յամարայնի՝ այլ յաճախ ապաւէն են աւազակաց. իսկ 'ի ձմերայնի նուազ է վտանգ, զի հատեալ 'ի մայրեւորաց և մերկացեալ 'ի սաղարթուց՝ չտան նոցա տեղի թաքստի։ Սակայն Ելիսաբեթ լսէր զհաւնապարհայն աւազակութիւնս գործնեցեալս անդ, որ ահացուցանէին արդեօք գնա՝ եւ թէ ունէր ինչ առ իւր արծաթ. այլ զօրապահիկն իսկ կարօտ մօտանալոյ, զերծ թուէր յամենայն երկիրդէ։ Եւ վաճանաւ չբաւորութեանն ծածկեալ, յուսայր անցանել անվտանգ ընդ անտառն։ Վերստս ինչ այսր քան զՓոքրով աւերեալ էր մըրըկին զարահետն, և ուղեւորաց առ 'ի Մոսկով՝ հարկ էր առնել չըման ընդ ճախճախուտս, զորս գործէ Վոլկա. այլ պաղ թանձր ծածկեալ զայնոսիկ՝ առնէր գնալի որպէս տրամ երկիր։ Ելիսաբեթ ըստ օրինակի այլոց կալաւ զայն ուղի, և գնայր ընդ անապատն սառնեղէն. այլ առ 'ի չգոյէ անդ շաւղի՝ մոլորեալ, խրեցաւ 'ի սղոյմուտս, ուստի բազում ճգամք եղև նմա 'ի բլրաձև ուրեք երկիր ելանել։ Սնդ սղմաչաղախ և վաստակարեկ բազմեալ 'ի վէմ մի, ելոյժ զվօշիկս յոտից՝ ցամաքեցուցանել յարևուտ, որ ծաղէր յայնժամ անապատ։ Անապատ էր վայրն. չերևէին անդ հետք բնակութեան. ոչ որ անցանէր ընդ այն, և ոչ չտունչ լինէր անդ լսելի։ Գիտաց Ելիսաբեթ զի զարտուղի 'ի բաց անկեալ էր յարաւորուտ ճանապարհէն, և լքաւ արիւտ թիւն նորա. տեսանէր յետկուսէ զհաճիմս՝ ընդ որս անցեալն էր, և 'ի բացէ անտառ անողորտ՝ որոյ ոչ նշմարէր քցր։ Տիւն տաւաթամբէր, և պարտաւեալ ինքն 'ի վաստակոց՝ յարուցեցաւ այսր անդ ընթանայր գտանել ուրեք ապաւէն կամ օգնական, այլ 'ի գուր. ոչ որ ուրեք, և ոչ ձայն ինչ ուստեք լսելի լինէր. այլ բարբառոյ մարդկեղինի թուէր ընուլ զսիրտ նորա ցնծութեամբ։ Եւ ահա ձայնք յանկարծախի հընչեցին, և հետ ընդ հետ ելանէին արք յանտառէն. ընթացաւ առ նոսա յուսապաւտար. այլ 'ի մօտեւ առ նոսա՝ խնդութիւն նորա դարձաւ յարհախիս. Երբպարանք նոցա վայրենի և դէմք դժմեալ՝ ստակումն ածէին նմա առաւել քան զմիայնութիւնն՝ յորում էր. յուչ լինէր նմա որ ինչ լուեայն էր զեղեռնագործութենէ յերուզակաց 'ի կողմանսն յայնոսիկ, և երկուցեալ թէ գուցէ պատուհասէր Աստուած զայնուղին վատահուժիւն իւր, անկաւ 'ի ծունկս՝ խռնարհեալ առաջի ողորմութեան նորա։ Յառաջ մատնան աւազակքն, զկայ առին առ նմա, և յառեալ 'ի նա, ասեն. Դու ուստի՞

գաս, զի խնդրես աստ։ Զաչս 'ի վայր արկեալ օրիորդն, և զդողանի հարեալ, ասէ. Յայն՝ կողմանէ Թոպուբեայ գամ, երթալ խնդրել յինքնակալէն շորհս հօր իմում։ Եւ յաւել՝ զի փոքր միւս ևս և կորնչէր 'ի ճաշիմս անդ. Եւ զի յետ վայրիկ մի զօրաւնայր՝ գնայր խնդրել իւր ուրեք ապաւէն, Հիացեալ կացին արքն, և հետագօտէին և ևս. կամէին զիտել որչափ ինչ ունէր արծաթ վասն բազում այնչափ երկայն ուղեւորութեանն. Եւ իբրև հանեալ նորա զգրամիկն՝ զոր 'ի նաւաստոյն Վոլկայ ընկալեալն էր՝ եցոյց նոցա, ասեն. Եւ չունին ինչ այլ։ Որիորդն ասէ. Եւ ոչինչ, Հայէին ընդ միմեանս հուղկահարքն անգութ և անկարեկիր, սովորութեամբ եղեռնագործութեանն խստաբարեալ. սակայն և յապուշ հարեալ՝ չկարէին հաւատալ աչացն, զի դերաշխարհիկ իմն թուէր նոցա այն, և համարէին 'ի վերնական անձանթ զօրութիւնէ պաշտպանեալ զօրիորդն. Եւ ակն ածեալ 'ի նմանէ՝ չիշխելով գործել ինչ նմաչար, այլ և ոչ բարի, 'ի բաց կացին 'ի նմանէ՝ ասելով ցիրեարս. Թողցուք զդա, մի վնասնցուք դմա, զի արդարև Աստուած ընդ դմա է։

Յարեաւ Ելիսաբեթ, և փութացեալ յետս 'ի փախուտս՝ եմուտ յանտառն. և սուղ ինչ յառաջ մատուցեալ, գտաւ 'ի կիցս քառից ուղեաց. ուր 'ի միւմ յանկանցն էր մատուռն նուիրեալ Տիրամօրն, և սիւն 'ի վերայ կանգնեալ՝ ցուցանէր զբաղաքս, յորս մէն մի յուղեաց անտի գնալին. Գիտաց օրիորդն զփրկութիւն իւր, և անկեալ յերկիր՝ գոհանայր զՏեառնէ. և ոչ արագեղին յարաբորքն ասել, զի Աստուած էր ընդ նմա։ Ոչ ևս թուէր նա այնուհետև վաստակեալ, զի զօրացոյց գնալոյս, և գնայր թեթեւեղեաց ընդ ճանապարհ Փոքրովայ. Եւ հասեալ վերստին յեղբ Վոլկայ, որ գործէ անկին առ քաղաքան, և թանայ զորմունս աղբատին միոյ կուսաստանի, փութացաւ բախեաց զգուռնն հիւրընկալ, պատմեաց զտառապանս իւր, և խնդրեաց ապաստան։ Ընկալան գնա անդէն քորքն հիւրասիրաբար որպէս զմի 'ի քորք. Եւ չուրջ պատեալ օրիորդն յերկնակրօն և 'ի սրբատուն քերց անտի, համարէր վայրիկ մի կալ ընդ մօր իւրում։ Պարզ և խոնարհ պատմութիւն անցիցն՝ արարեալ յօրիորդէն, եղև 'ի չինութիւն աւմենայն ուխտին. ոչ դադարէին քորքն բարեգութք 'ի զարմանալոյ ընդ առաքինու թիւն նորա՝ որոյ այնչափ ճգունս կրեալ, և այնչափ փորձանաց տարեալ, և բան մի տրտունջ չհանէր 'ի չրթանցն։ Յանկալի

էր կուսանաց հայթհայթել զծախս իսկ ուղեւորութեան նորա. այլ մենաստան նոցա չբաւոր էր յոյժ, չէին նոցա հասը, և ինքեանք իսկ կէին յողորմութենէ, Սակայն և ոչ հանդուրժեալ նոցա յուղարկել զնա պատառատուն հանգերծիքն և հերձուտեալ կոյճը, զդեցուցին զնա ձորձուր իւրեանց: Ասմէր օրիորդն հրաժարել 'ի պարգեւաց նոցա, զի 'ի կարեւորաց իւրեանց՝ զրկէին քորքն բարեգութք վասն օգնելոյ նմա. այլ նոքա զորուն և գյարկ մենաստանին ցուցեալ, ասէին. Գոյ մեզ պատասպարան, այլ դու անպատասպար ես ամենեւին. քո է սակաւիկս այս՝ զոր ունիմք, դու չբաւորագոյն քան զմեզ ես:

Ուր ուրեմն եհաս Նիխաբեթ յարաւան, որ ամէ 'ի Մոսկով. և զարմանայր ընդ յոյցս ամբոխին՝ զոր տեսանէր, ընդ բազմութիւն կառաց և անդուկարաց, աւրանց և կանանց և ամենայն ազգի ազգի մարդկան՝ որ 'ի մայրաքաղաք անդր իրր առուիւ գնային. և որչափ մերձենայր անդր, յաւելոյր ամբոխս բազմութեանն. ի գեեղ յուրմն յերեկոյին գկայ էառ, ուր էին տունք առհասարակ լի ուղեւորք. և այնչափ ծանուեր էին վարձք բնակութեան, զի հէք օրիորդին՝ որոյ չգոյր ինչ առ 'ի տալ՝ յոյժ գոժուարին եղև գտանել օթեւան: Ո՛հ, քանի արտասուս 'ի սիրտ իւր ցածոյց՝ մինչև կարաց գտանել արհամարհոտ իմն կարեկցութիւն, ճաշ անուտելի, և դոյնք զխոյ գաղար՝ գերծ 'ի ծինաբերաց և 'ի մրկակալ. Այլ ոչ երբեք վնասուցաւ, 'ի մտի ունելով միշտ՝ զի տեսանէր Տէր զուսառապանս իւր, զորս առ սէր ծնողացն կրէր. և ոչ բարձրամտեաց երբէք, համարեալ յանկեղծ սրտէ՝ ոչ աւելի ինչ քան զպարտա իւր գործել վնասութեամբն վասն ծնողաց իւրոց, և ծնողասէր սրտին ախորժեալ իմն ընդ վնասկրել իւր վասն նոցա:

Եւ ասչա յանկարծ գնայէր զանգականին ամենուտա, և յամենայն կողմանց հնչէր անուն ինքնակալին. թնդիւնք հրետից որոտային 'ի պարսպաց մայրաքաղաքին անաւրկուք նմին, զի չէր երբեք բուրբն այնպիսի ընդ ունին նորա բարեալ: Հրացաններ զվասն էրն երկիդիւ՝ որոց անդ 'ի գրատա ճոխս կային զկառօք, որ կործան անկեալ դնէր: Դորա ասին. ինքնակալն 'ի քաղաք այսր ամտանէ: Որիորդն ասէ. Եւ որպէս. մէ 'ի Պետրոպոլիս ինքնակալն բնակէ: Եւ քա ողորմեալ 'ի տգիտութիւն նորա, աւսին. Հէք օրիորդ, չգիտիցես զի Աղեքսանդր գայ այսր առնել զհանգէս թագաւորելոյ իւրոյ: Յայնժամ օրիորդն ձեռնա-

մածեալ խնդութեամբ՝ զի յերկնից տնօրինէր նմա քալ անդ ինքնակալին, յորոյ 'ի ձեռին էր բախալ ծնողաց իւրոց, և հասանել յաւուրս աշխարհորէն ուրախութեան յորս լռեն խստութիւն և արդարութիւն 'ի սիրտ թագաւորաց, առ 'ի լսելի առնել նոցա զգթութիւն միայն. և զարժուցեալ զաչս իւր յերկիր արքայանայ ծնողաց իւրոց, գոչէր. Ծնօղք իմ, ընդէր միայնակ վայելեմ 'ի յոյս, ընդէր ձայն ուրախութեան զստեի ձերոյ չկարէ հասանել յունկն ձեր:

Յամին 1801 եմուտ նա 'ի մայրաքաղաքն մեծ 'ի Մոսկով, և համարէր վախճան լեալ վնացս իւրոց, ոչ կարծելով զի այլ ևս աղէտք պատրաստեալ կային նմա: Ի մատչելն 'ի քաղաքամէջ անդր՝ ետես սալարանս հոյակապս, զարդարեալս արքունական ճոխութեամբ, և առ նորօք հիւզս ծխամածս անպատասպար 'ի հողմոց. ետես փողոցս բազմամբոխս, մինչև հագիւ կարող լինել նմա հերձանել զամբոխն՝ որ նեղէրն զնա և խթէր շուրջնակի արմուտ: Սուր ինչ անտի 'ի բացէ եզիտ անուտաւ և մարգագետինս, որպէս զի կարծել զանձն 'ի դաշտավայրի մեծի. զկայ էառ վայրիկ մի յրեգարձակ ճեմելիս ծառաղարդս, ուր զգնայր բազմութիւն յոյժ մուտով հանդիսին. երթեկէկէին կառք ցառաչմամբ միծաւ. ընդ ամենայն կողմանս արաւասոյր: Հնչէր զանգակն մեծ կաթողիկէին անշուրթ, և ամենայն ուստեք քաղաքին այլ զանգականին տային արձագանգ. և թնդիւնք հրետից, որ երբէք երբեք արձակէին, հագիւ լինէին լսելի 'ի չոխնդն ձայնից՝ որովք հնչէր քաղաքն ընդարձակ: Մանաւանդ 'ի մօտել 'ի հրապարակն Վրեմեյանն՝ երթայր և յաւելոյր ամբոխն և ազմուկ. խարոյկ բոցածաւալ ամենայն ուրեք բորբոքէր: Նիխաբեթ նստաւ անդ մեկուսի զգուշութեամբ, ցրտաշարեալ և պարտասեալ զօրն ցերեկ յոտին, և ուրախութիւն նորա այգուն փռախալ 'ի արտմութիւն. զի չրջիւլ նորա ընդ անթիւ փողոցս քաղաքին և տեսեալ սալարանս բազումս հոյակապս, և ոչ ուրեք եւ զիտ իւր դադար. զի տեսեալ բազմութիւն յոյժ յամենայն ազգաց, չեզիտ զօր 'ի նոցանէ իւր օգնակաւ. զի լուեալ էր անդ հարցանելոյ բազմաց զճանապարհ տանց իւրեանց, և զայրանալոյ ընդ մոլորել իւրեանց. և նախանձեալ ընդ բախտ նոցա՝ ասէր 'ի մտի. Երանի՛ ոյք ինդրին զճաւորութիւն իւրեանց. եղուկ այնմ որոյ չիք տեղի խնդրելոյ, և չիցէ ուստեք մոլորեալ:

Կը շարունակուի: